

# HIBERNIÆ . TABULA.

53

Perkinum VVarbee qui plenis impudentiæ velis ad summum Regiæ dignitatis gradum enirebatur, cives se fortiter & prudenter gessissent. Hæc a Norvvegis Piratis constructa, quamvis cœlo sit crassiusculo, solo minus lato & angustioribus coarctata vicis, ea tamen portus est oportunitas, ut opulentia & frequentia secundas in Hibernia ferat. Hæc prudentibus & bene moratis civibus referta. Habet tutum & tranquillum portum, atq; exterarum navium sæpenumero plenum. Frequentes etiam VWaterfordiæ cives sunt, qui mercaturas faciunt: in quo sane negotio, usque eo prudenter rem familiarem administrant, adeo caute rationes subducunt, ut brevi negotiatione, magnas sibi opes soleant comparare. Nullus ibi vivit mensarius, qui fraudulento collybo aut intolerabili sceneratione (omnium rerum publicarum busto) in civium bonis ac direptionibus versatur. Cives sūt faciles, benigni, frugi, perhospitales, privatis & publicis rationibus utilissimi. Appellavit hanc urbem antiquitas *Menapiam*, sicut & Dublinium *Eblanam*. *Amellana* rectius nuncuparetur, ab Amellano, qui eam urbem condidit, quemadmodum & Sitaracus VWaterfordiam, & Ivorus Limmiricum fundasse fertur. Est & in hac regione *Limmiricum* (de qua urbe modo dictum est) in tertijs consistens: veruntamen loci situ, fluminis dignitate, huic urbi palma est danda. Alluitur Sannonio fluvio, omnium Hibernorum fluminum absque controversia principe. Ab alto Lx mill. intervallo distat: tamen onerarias naves civitatis muros, nauarchi appellant: nec est quod scopulosas cautes, in toto illo cursu offendere, multum pertimescas. Incredibile, quantam piscium ubertatem, & copiam ibi reperias. Hujus urbis amœnitate captus Ioannes, Angliæ Rex, egregium castellum, & pontem illic extruendum curavit. Est etiam *Corcagia* in Corcagiensi Comitatu, *Korke* Anglis, & *Korrah* Indigenis, astrictiore mœnium ambitu conclusa, & una quasi directa platea protensa, emporium tamē frequens, & celebre: portu excellenti & tuto ornatum; sed ita seditiosis vicinis circumfessum, ut perpetuas excubias agent, quasi perpetua obsidione essent incincti, & in agrum filias elocare non audeant, unde contractis inter se nuptijs cives omnes aliquo affinitatis gradu se invicem contingunt. Cives hic etiam copiis satis locupletes, operam mercaturæ navant, res suas domi forisque frugaliter obeunt. Briocum virum sanctissimum, a quo *Sanbriochiana* in Britannia Armorica diœcesis vulgo *S. Brien* nomen assumpsit, hinc oriundum scribit Cœnalis. Sed in hoc a veritate abiit, quod *Coriondos* Hiberniæ in hac urbe statuerit. Non enim hujus urbis meminit Ptolemæus. Flumen tamen quod præfuit idem videatur, quod *Davrona* Ptolemæo dicitur. *Savranus* enim, & *Saværenus* Giraldo, una tantum immutata literula, nominatur. Quæ intercedit inter hæc nomina affinitas, hoc mihi distavit, & majori sane cum probabilitate, inquit eruditissimus Camdenus, quam si *Davrona* nomen proximo flumini adaptarem, qui Corcagiensem Comitatum, & Triparariensem interfluens per *Lismor* Oceanum petit, & Historicis *Aven Mor*, id est flumen magnum, appellatur. *Ardmor* viculus est ad ostium, cui ad alteram ripam *Yoghelia*, statio satis tuta opponitur. In hujus vicinia magnos habet proventus Vicecomes Barrensis, a Roberto Barrio Anglo prognatus, qui in expugnanda Hibernia operam navavit egregiam. Sunt præter jam dictas civitates hæc in hac regione *Rinsalia*, *Cassila*, *Yoghelia*, *Lefmoria*, *Clonmella*, *Kilmalochia*. Hæc pro Methodi ratione de quinque Hiberniæ partibus sint satis, ad alia quæ adhuc restant transeamus.